

**RESUMU BANDU PÙBLICU PRO S'EROGATZIONE DE CONTRIBUTOS A BENEFÌTZIU DE PRIVADOS PRO
TRABALLOS DE BONÌFICA DE MANUFATOS CHI TENENT AMIANTU
CHI SUNT IN SU TERRITÒRIU DE SA PROVÌNTZIA DE ARISTANIS
ANNUALIDADE 2019**

PROVÌNTZIA DE ARISTANIS

SETORE AMBIENTE E ATIVIDADES PRODUTIVAS

L.R. 22/2005, D.G.R. R.A.S. N.50/4 DE su 10/12/2019

Art. 1 – Finalidade

Sa Regione Autònoma de Sardigna, cun sa Delibera de sa Giunta Regionale n. 66/29 de su 23/12/2015 at aprovadu su Pianu Regionale de protetzione, depuratzione, eliminatzione e bonifica de s'ambiente pro amparare dae sos perìgulos de s'amiantu cunforma a su D. Lgs. n. 152/06 e sas modificas fatas a pustis a sa Lege 257/92 e a su D.P.R. 8.8.1994;

Cun sa Delibera de sa Giunta Regionale n. 50/47 de su 10/12/2019 at aprovadu su "Programma de sos interventos de sa L. R. 22/2005 – Normas pro s'aprovatzione de su Pianu Regionale de protetzione, depuratzione, eliminatzione e bonifica de s'ambiente pro amparare dae sos perìgulos de s'amiantu. Annualidade 2019;

Cun sa determinatzione n. 1063 de su 13/12/2019 de su Direttore de su Servìtziu Tutela de s'Atmosfera e de su Territòriu de s'Assessoradu regionale Difesa de s'Ambiente est istada impignada sa summa de € 268.478,74 a favore de sa Provìntzia de Aristanis comente sugetu delegadu pro sa cuntzessione de contributos a sos tzitadinos privados pro eliminare dae sos immòbiles sos manufatos cun amiantu;

Custu bandu disciplinat sas protzeduras pro sa cuntzessione e erogatzione de unu contributu a benefitziu de tzitadinos privados chi cherent fàghere interventos de bonifica dae s'amiantu, in sos immòbiles pròpios, postos in su territòriu de sa Provìntzia de Aristanis. Sos fundos a disponimentu de s'Amministrazione Provintziale de Aristanis assummant € 268.478,74.

Art. 2 -Sugetos beneficiàrios

Podent otènnere su contributu sos proprietàrios de un'immòbile, postu in su territòriu de sa Provìntzia de Aristanis, in règula cun sos disponimentos e autorizatziones urbanìsticu-edilìtzias netzessàrias pro fàghere su traballu.

Podent presentare domanda de finantziamentu fintzas sos chi tenent ebbia sa disponibilidade de un'immòbile (afitèvoles, comodatàrios, usufrutuàrios, àteru) postu in su territòriu de sa Provìntzia de Aristanis; in custu casu, abarrant vàlidas sas cunditziones giai indicadas in mèritu a sas autorizatziones

urbanisticu-edilìtzias, su chi faghet sa domanda at a dèpere allegare a sa domanda [...] su cunsensu de su propietàriu pro s'esecuzione de sos traballos. [...].

Sos contributos sunt destinados fintzas a butegas, atividades cummertziales e artigianales e a àteros edifitzios [...].

Art. 3 -Ispesas ammitidas e traballos esclùdidos

Sunt esclùdidos dae su finantziamentu:

- sos traballos de reimpreu, pro fàghere manufatos sostitutivos e pro ddos collocare;
- sos traballos fatos in antis de su 01.01.2020;
- sos traballos chi apant retzidu o depant retzire àteros finantziamentos e agiudos, siat istatales siat regionales, pro sos matessi traballos de bonìfica dae amiantu [...].

Sunt ammitidas sas ispesas pro:

- progetazione (ebbia de traballos pro nche leare o pro sa bonìfica de s'amiantu) e aprontamentu de su Pianu de traballu de presentare a sa ASL (ex art. 256 de su D. Lgs. 81/2008);
- aprontamentu de su cantieri de traballu (pontègiu e seguresa), ebbia pro su tempus chi serbit a nche leare s'amiantu o bonificare;
- traballos de bonìfica de sos manufatos chi tenent amiantu (pro nàrrere coberturas, tubos, tèulas, àteru);
- trasportu e cunsigna in impiantu autorizadu;

[...]

Ant a èssere ammitidas ispesas pro traballos chi pertocant materiales cun amiantu, su trasportu fatu dae ditas autorizadas e su trasportu e cunsigna a sos impiantos autorizados.

Sos traballos de bonìfica ammitidos a su contributu depent acabbare a intro de 12 meses dae sa data de comunicatzione de ammissione a su contributu provìntziale .

Art. 4 - Contributu prevididu

Su contributu, su 60% de sas ispesas chi si podent atzettare, est a su prus de € 5.000,00 (èuros chimbe mìgia), ponende in contu fintzas sos òneres fiscales.

[...]

Art. 5 -Comente presentare sas demandas

Sa domanda de finantziamentu, cun sos documentos netzessàrios, si depet presentare:

- in plicu serradu cun s'iscrita "Domanda de contributu pro sa bonifica de sos manufatos chi tenent amiantu", a s'Ufitziu Protocolu de sa Provìntzia de Aristanis - carrera Carboni snc – 09170 Aristanis, cun indicadu Setore Ambiente e Atividades Produtivas;

- in formadu digitale cun s'iscrita "Domanda de contributu pro sa bonifica de sos manufatos chi tenent amiantu" trasmissione de sa documentatzione firmada mandadu cun sa PEC a s'indiritzu: provincia.oristano@cert.legalmail.it cun indicadu Setore Ambiente e Atividades Produtivas;

Sa domanda depet arribare a intro e no a pustis de **su 28 de freàrgiu 2021** (balet su timbru o sa retzida de de s'Ufitziu Protocolu); sas chi arribant a pustis non ant a èssere atzetadas.

Pro èssere ammitida sa domanda, totu sa documentatzione depet èssere cunsignada in originale e, in ue est pedidu, firmada semper in originale o, si mandada a manera digitale cun sa PEC, cun firma digitale.

Si depet presentare una domanda de ammissione a finantziamentu pro ogni immòbile ogetu de bonifica.

Art. 6 -Documentatzione de allegare a sa domanda

Pro èssere atzetada, a sa domanda (Allegadu 1) cumpilada e firmada a manera dèpida paris cun s'informativa privacy, si depent allegare custos documentos:

- 1) decrarazione sostitutiva de atu de notoriedade (Allegadu 2), firmada dae su rechedente [...];
- 2) impignu de presentare sa SCIA (si si depet presentare pro sos traballos de fàghere);
- 3) decrarazione de impignu a acabbare sos traballos finantziados a intro de 12 (dòighi) meses dae sa data de sa retzida de sa comunicatzione de assignatzione de su contributu provìntziale;
- 4) decrarazione de no àere retzidu àteros finantziamentos, agiudos, contributos comunitarios, istatales o regionales pro sos matessi traballos; [...].
- 5) ischeda de autonotifica (Allegadu 3), aprontada dae s'ente de cumpetèntzia (ASL) o dae tènicu cualificadu e vidimada dae sa ASL .

[...] Su tènicu cualificadu est un'ingennieri, architetu, geòmetra, peritu edile, laureadu in "Tècnicas de sa preventzione in s'ambiente e in sos logos de traballu" o cun titulu paris, iscritu a s'Albo relativu, o tènicu cun patentinu regionale pro s'amiantu, o responsabile tènicu comente definidu in sa Deliberatzione de sa Regione Autònoma de Sardigna n. 48/4 de su 09.09.2008.

- 6) preventivu de ispesa (Allegadu 4), aprontadu dae Dita ispetzializada iscritta a sa categoria 10 de s'Albo Natzionale Gestores Ambientales [...];
- 7) documentatzione fotogràfica idònea a colores [...];
- 8) estratu de mapa catastale cun indicadu in ue est postu su manufatu; [...];
- 9) corografia cun indicados, si bi sunt, sos retzetores sensibles (asilos, iscolas, parques pro giogare, istruturas de acollientzia sòtziu-assistentziales, edifitzios de cultu, istruturas isportivas), [...];
- 10) còpia fotostàtica de su documentu de identidade de su rechedente in cursu de valididade;

11) [...]

Art. 7 – Istrutòria de sas demandas presentadas

[...]

Art. 8 – Critèrios pro fàghere sas graduatòrias

In s'artìculu 8 de su bandu sunt indicados sos critèrios pro fàghere sa graduatòria (arriscos, distàntzia dae iscolas, crèsias, istruturas isportivas, parques e àteru; impreu de tecnologias alternativas pro risparmiare energia, àteru).

In casu de puntègiu uguale at a èssere cunsideradu su nùmeru de protocollu.

Art. 9 -Erogazione de su contributu

Pro dare sos contributos s'at a fàghere una graduatòria, fintzas a chi no acabbat su dinare chi sa Provìntzia de Aristanis tenet a disponimentu pro sa bonifica e pro eliminare in sos edifitzios privados sos manufatos chi tenent amiantu.

Sos contributos ant a èssere erogados, totu in una borta, a pustis de àere presentadu custa documentatzione in originale:

- 1) de craratzione de s'acabbu de sos traballos dae parte de su chi pedit su contributu, controfirmada dae su Direttore de sos traballos, chi atestet ca sos traballos sunt istados fatos a dèchidu e comente prevididu in su progetu presentadu;
- 2) còpia cunforme a s'originale o autenticada de sas fature cun cuetàntzia fatas dae impresas chi respetant sos rechisidos pro sas ispese tentas pro chirrare, bonificare, trasportare e recuperare o eliminare, indicados in s'art. 12, comma 4, de sa L. 27 martzu 1992, n. 257 "Normas chi pertocant a su sessamentu de s'impreu de s'amiantu";
- 3) tzertificadu de cunferimentu in impiantu di recùperu o eliminatzione in discàrriga autorizada [...];
- 4) de craratzione sostitutiva chi atestat sa data de presentatzione de sa domanda de su tìtulu abilitativu a su Comune cumpetente, [...];
- 5) còpia fotostàtica de su documentu de identidade in cursu de valididade de chie faghet sa domanda;
- 6) còpia de su Pianu de Traballu, ex art. 256, comma 2, D. Lgs. 81/2008, cunvalidadu dae sa ASL, chi previdit sas mesuras netzessàrias pro garantire sa seguresa e sa salute de sos traballadores e sa protetzione de s'ambiente esternu. Su pianu depet èssere aprontadu dae Dita ispetzializada iscritta a sa categoria 10 de s'Albo Natzionale Gestores Ambientales e depet èssere mandadu a s'òrganu de vigilàntzia cumpetente (Azienda Sanitària Locale) [...];
- 7) còpia de sa notìfica mandada a s'Òrganu de vigilàntzia cumpetente pro territòriu, cunforma a s'art. 250 de su D. Lgs. n. 81/08;
- 8) documentatzione fotogràfica idònea a colores [...];

9) in casu si eliminent coberturas in tzimentu amiantu e si pòngiant dispositivos pro impreare tecnologias alternativas pro su rispàrmiu energèticu, comente impiantios solares e fotovoltaicos, si depet presentare documentatzione fotogràfica chi mustret s'installatzione de s'impiante.

10) còpia de su Còditze Fiscale;

11) còpia de su Còditze IBAN.

Sas fatturas presentadas a pustis de sa licuidatzione de su contributu no ant a èssere leadas in consideru fintzas si pertocant ispesas chi si podent ammittere.

Art. 10 -Ispetzones e controllos

Sa Provìntzia de Aristanis podet, in antis de dare su contributu, averiguare sa regularidade de sos traballos.
[...]

Sa data de incomintzu de sos traballos si depet comunicare a sa Provìntzia a su nessi 10 dies in antis.

[...]

Sa modulistica pro sa domanda de ammissione a su contributu est publicada in su situ internet de sa Provìntzia de Aristanis a s'indiritzu web: www.provincia.or.it

Cale si siat informatzione o crarimentu si podet pedire a sos uffizios de su Setore Ambiente e Atividades Produtivas, a custos nùmeros: 0783039405 e 0783039441.

(MM)